

臨晉縣志卷之八

藝文志下

五言古

五老峰大明觀贈隱者

唐姚

係

河中人

雲觀此山北與君携手稀林端涉橫水洞口入斜暉乍
見鸞鶴邇忽為煙霧飛故人清和客默會琴心微丹術
幸可授青龍當未歸悠悠平生意此日復相違

王官谷司空侍郎故居

宋江休復

陳留人集賢校理

首陽采薇士商代緬以遐唐季有夫子遯世肥且嘉拔

臨晉縣志

卷之八

五言古

一

迹離污險抗志凌青霞剝運扇頽風奸雄比回邪不然
隨波流橫噬猘獠牙吁哉土德衰睽乖鬼盈車英英夫
子賢顯晦吾所嗟想見棲隱情遺文摹菁華山藏白駒
谷水遶騷人家躑躅碧峰前寒日忽以斜

王官谷十詠

并序

宋俞

克

虞鄉縣令

王官谷山水之勝甲於關右由司空表聖所嘗居名尤
著於天下好事者道出虞坂必枉轡以遊之洒滌塵慮
想慕清風隨其人所得皆有以為樂題名滿山巖屋壁
獨詩篇未甚聞于世豈騷雅之客多牽于車馬之勞不
暇作耶抑有之不能傳耶不然何遺之耶予為令于此
三年暇日登覽王官之景盡得之矣因成十詠自顧其
能詩者共賦之將以暴人之視聽又別為一篇邀當世之

竹逕

入谷修竹密蒼翠連前山車馬迹不到鷄犬音亦閒蔽日清影合迎風碎聲寒漸近居士廬溪水流潺潺

貽溪

表聖山居記云谷之名本以王官廢壘在其側司空氏易之為禎貽溪溪舊不畜魚及表聖居之石竇泉隙魚皆充物見說魚篇今亦無魚

濯纓溪流上清心共澄澈人存魚自躍人亡魚亦竭此意雖冥冥可與仁者說遺音竟誰繼十里閒風月

休休亭

本濯纓亭為陝軍所焚復構之易名休休

洗耳謝市朝構亭得餘址三徑草長深一毫塵不起支

臨晉縣志

卷之八

五言古

一一

肘看青山引鶴聽流水獨有愛君心時時擬綸旨

表聖著擬

綸集
兩編

表聖影堂

事去惟山存遺祠臨水曲峻節凌雪霜英顏瑩冰玉至今崖壁間尚耐塵埃辱清風滿林泉千載仰高躅

天柱峰

擎天有八柱是峰居其一根蟠地軸壯群山俯為礪共工觸不折萬古聳峯嶺幽人步絕頂引手攀星日

瀑布

野老傳此水源與洪河透潺潺浩難窮雨雹灑晴晝巖

頭白龍挂灘前寒玉漱不見瑩心人客衣冷如漚山居記日

瀑布之亭曰瑩心又
詩云瀑布吟吹衣

雙人石在天柱峰東

屹立高峰東峭直如昔賢夷齊耻周食巢由傲堯天不

畏風霜侵所依松栢堅表聖詩云雙
人依木立五老靜相對森森

莫知年

司空氏舊居王官谷舊皆司空別業
自表聖沒轉易不常

孤鶴去不還雲間犬空吠猶聞溪鳥銜表聖詩云溪
鳥待排銜尚

臨晉縣志 卷之八 五言古

三

有里人愛表聖多以金
帛施于閭里巖花無開落表聖云小峯西龕
有石蘚故老目爲

杏花 世事幾興廢我乘幽興來靜邀秋月對

石硯表聖云西谷路有石
如硯人謂之秦王硯

嘗讀表聖詩云是秦王成憫時著密史表聖所著密
史溪救時病對

此潛經營新雨淨如洗亂苔生復平表聖詩云硯
石苔平失應誤

山中客浪近翰墨名

機磴

誰鑿渾沌死智者爭出力悠悠蟻在磨雙輪轉何極機

心運機械隨流還不息莫笑抱甕翁終日亦飽食

王官谷十詠奉寄諸友

王官山水佳况曾居耐辱高名落世間詠歌常不足夫
君詩之豪晴空唳鸞鵠願借驚人鳴振響幽棲谷庶令
群聽清稍稍識賢躅謾寄十短章瓦礫引珠玉

貽溪懷古十篇

并序

唐衰全忠僭竊士之有忠義之心者皆深嫉之而能洒
然脫去不污其身得全其節者表聖一人而已予令於
虞表聖之居適在境內造其祠拜其像想慕其平生為
之賦王官谷十詠又別成一篇邀能詩者和之以發揚
其潛德柰何士之知表聖者以休休莫莫而止耳予近
得表聖一鳴全集觀之至於一歌一詠一亭一榭意皆
有謂非若世之隱者自棄于山林之中無心于及物也
信乎全出處之大節踵夷齊之高風矣復成貽溪懷古
臨晉縣志 卷之八 五言古 四

濯纓亭

皎皎居士纓豈有塵可濯愛茲滄浪清偶以斯名託轉
谷群鴿歸衝岸游魚躍簷頭碧梧枝秋來垂影薄

覽照亭

山居記曰上方
之亭曰覽照

杖藜高山頭歷覽衆景會泰華屹若屏黃河瀉如帶幽
懷逐冥鴻萬事寄天籟不見玉景春荒煙起蕭艾

表聖
詩云

何時萬
重見玉京

三詔堂

猛虎正橫行孤猿發長嘯名高世人間三枉鶴書詔借

笏趨朝叅

表聖詩二誰知
借笏赴朝叅

天意獨難料咫尺首陽山清

光靜相照

瑩心亭

山居記曰懸
之亭曰瑩心

妖氛滿世問瑩心茲得地瀑布前飛勢猛鷗鳥避洗

滌無纖塵澄虛全浩氣清風林表來千載有餘意

九籥室

臨晉縣志

卷之八

五言古

五

僊術秘丹經昔人藏九籥

照詩云九
丹經

幽棲白雲根保

此一爐藥吟殘雨來夢斷花落萬慮正坐忘未能

看舞鶴

修史亭

表聖嘗若
擬吏

吁哉土德衰群姦恣蠹賊欲加蕭斧誅修史乃其職誰

知深山中法若春秋直俄驚濟陰變絕筆幽崑側

擬綸亭

大廈不可扶諳命已云老臣坐深林有淚化爲血擬

成絲綸言救世心獨切溪流今尚清夜夜澄孤月

掛鶴臺

汙俗正朋亡歸來卧空谷養鶴不成雙相從守幽獨素羽信非群孤唳杏無續高臺委荒榛追想人如玉

一鳴窻

天寒松柏青廡閑騏驎老瀟灑竹窻前超然鳴以道惟有巖上月時來伴幽討茲意不可忘還將日殘藁

東渠亭

王官谷東西二渠水表聖定法谷中人以時用之至今不廢

二渠日夜流利厚爭所起先生坐東亭立法書在紙老農到今守後來誰敢毀斯人不可見空聽竹間水

臨晉縣志

卷之八

五言古

六

邀諸君和篇

四海雖歸周伯夷獨來痛孔子首稱賢退之復爲頌晴日映碧渡遺風激愚悖先生伯夷徒丹山隱彩鳳君有退之才筆下煙雲縱願發潛德光畱與將來誦

元豐庚申仲夏

望日守縣令劉霆立石

虞鄉麻長官成趣園二首

金元好問

鑿池水交流築屋山四繞衡門在人境三逕深以悄中庭八九樹晨坐聽百鳥人生信多慮長寢容未了虛舟有天游我定物自擾豈不與世並自是萬物表達觀無

不可言外當意曉

蹉跎匡山游爛熳彭澤酒慨然千載上懷我平生友夫
君負奇節劍氣鬱星斗爲吏非所堪徑去如避走王官
唐以還寂寞蓋已久柴車君來隱清風動林藪至今溪
上詩往往在人口淵明不可作此士寧復有

春日同呂子遊王官谷限春寒花遲四韻

明王

溱

開州人平陽府知府前御史

中條何透迤天柱鬱嶙峋西指重華都世遠見隱淪矯
矯司空子誰能識其真高踪耿不滅並遊屬早春北山

臨晉縣志

卷之八

五言古

七

有松栢南山有荆榛所托元不偶孤嘯傷心神

了了亦高士移家人王官流風曰已遠邈焉不可干清
清濯纓水鬱鬱採薇山人生各有適所慮非饑寒賤者
豈皆素貴者豈皆完哲人敦素履被褐詠考槃翛翛雙
白鶴凌風起高翰

仙洞畱巖阿望之 且賒嘉樹來孤鶴幽草抽繁芽群
山不可招中懷寄瑤華歲月銷容顏譬彼三春花人生
不努力衰落同咨嗟呂子玉堂仙昔遊懷已嘉携我再
遊衍白日千峰斜大道以爲期吾將卧煙霞

嘉賞故無倦春日不肯遲
翛來下丹梯散步臨前墀
仰視雲漢光星斗何參差
俯視瀑布流雙橋迴漣漪
促膝吐衷曲人事乖所期
抗手過橋門飛轡東南馳
路遠石不平中宵繫吾思

前題

明呂 柟

懷思溢十載晤語及初春
牛馬風滋背火水時亦因
大婦織麻臬小婦刺錦茵
箴梭各有托諒者皆在天
蕭蕭出門戶望望追侶人
携手同征邁遠上條山巔
飄飄飛雲表初日親可賷

臨晉縣志

卷之八

五言古

八

織席備寢卧織布祛時寒
一身不自用抱之市闐闐
百川皆東逝弱水獨西還
趨海苟無二奚懼筋力單
女媧尺寸手五石如彈丸
天大渺無極煉之可補完
哲人慎微細矜莊有異端

種樹思摘果不徒見開花
花開十日殞果摘還生芽
昔有青門子年年止種瓜
瓜蔓大如柱瓜實大如車
白日生東海西極有落霞
光輝苟無損且猶天中過
雖有魯陽手焉能常揮戈
不見東隣女夜半猶績麻
章亥足非速齊魯去豈遲
五石瓠亦小鷦鷯剩一枝
玉

石與骨角義存綠竹淇乘馬馳遠路乾餼還自隨力匱
踰絕險頓可使勿饑不見松柏樹歲晏猶若斯鯤魚與
鵬鳥畜之在天池

嘉靖乙酉春
正月七日

和宋俞公達貽溪懷古十篇

并序

王恭先

唐司空表聖王官別墅極一時林泉之勝陵谷變遷滅
沒無幾宋虞令俞公達博物好事既爲王官十詠以志
當時實蹟復成貽溪懷古十篇寄尚論之感惜乎六百
年來無有繼而和者予纂修縣志之餘輒不自量逐一
續貂非敢爲表聖功臣庶使百世而下知公達有同調

臨晉縣志

卷之八

五言古

九

焉康熙二十五年六月

濯纓亭

古人重冠纓肯爲塵所污王官有滄浪高士托情愴臨
淵不羨魚曠懷盟鷗鷺傷彼濁流投無天可呼籲

覽照亭

登高易傷神况復風景異美人在何方日暮飛鴻唳老
臣亦何心豈爲慕夷惠悵望紇干雀憂來忽如醉

三詔堂

衣冠盡浮薄賢者誰共理三詔枉中條堅卧竟不起猿

鳥嘯青冥芰荷風吹被再拜謝聖明臣心已如水

瑩心亭

洗耳尚可為瑩心竟安往高齋倚懸流致身何蕭爽萬籟酣笙竽日夕雜飛響蘧蘧幽夢回坐看孤月上

九籥室

丹成化鶴飛九籥善藏閉高士與神仙總歸參同契王官草木香勾漏不須致從來養生家虛白滿庭際

修史亭

史局日以壞佞臣迺執筆山中有陽秋法戒昭如律頭

臨晉縣志

卷之八

五言古

十

上是青天

表聖詩烏紗巾上是青天

刑辟亦何恤哀哉丁卯禪唐年

自此畢

擬綸亭

天祐不改元四海無詔紙野老哭吞聲絲綸擬承旨

承旨

唐官豈真有王鈇春秋誅心耳唐室不遽亡願緩須臾死

掛鶴臺

仙禽巢懸崖高士卧天柱月夜讀黃經三疊琴心舞年年養子成飛去知何所掛臺亦已空千載徒延佇

一鳴窓

北窓豈爲涼一鳴聊自警平生老臂鷹表聖詩誰料到

此悔前猛詩筆重加理要使名實並表聖有鳴集死後大鳥

來應須一奮頸傳云大鳥不鳴一鳴驚人

東渠亭

瀑水不畜魚奔流資灌溉表聖立法均百世誰能廢微

論畝一鍾卽看機成礎至今渠上月流光照遺愛

證因亭補遺

世業總前因誰向空王證英雄猛回頭懺却四百病晨

昏一龕燈燈燈真續命他生此他休應記入門徑表聖詩他

臨晉縣志

卷之八

五言律

十一

生此地却容身

五言律

柏梯寺懷舊僧

唐司空圖

雲根禪客居皆說舊吾廬松日明金像苔龕響木魚依
棲應不阻名利本來疎縱有人相問林間懶拆書

高鴉隔谷見路轉寺西門塔影蔭泉脉山苗侵曉痕鐘
疎含杳靄閣迥亘黃昏更待他僧到長如前信存

柏梯寺

宋司馬光

鑿石開蹊峻登崖置閣危笑談空谷應步武白雲隨衆

壑如翻浪鄰州若布棊何當遂棲隱身世兩相遺

畱題王官谷

宋李釜

蒲倅

司空唐達士寂寞卧雲岑擾擾任群態休休信此心泉
聲半山急柳色舊庭深彷彿登臨處遺蹤一訪尋

遊王官谷

金丁暉仁

宛平人陝西西路轉運使

策杖登山壁幽泉下碧虛細簾垂丈室瓊液瀉方壺峻
石高飛雪懸崖亂濺珠此來無俗客清氣爽襟裾

王官谷司空圖隱居

元孔克堅

闕里人行聖公

避暑王官谷翛然興不群飛泉落秋雨茂樹結寒雲天

臨晉縣志

卷之八

五言律

十二

影臨流見春聲隔竹聞時同三二友尊酒坐論文

王官谷

明宋廷佐

乾州人監察御史

三晉饒形勝王官甲品題半山常雨過一柱與天齊洞
口煙霞晦磯頭草樹迷夜深還獨坐寒月下前溪

登天柱峯

前人

杖策登天柱長河入望真歸心隨落日壯志欲凌雲花
氣風前潤蟬聲雨後新亂山何處盡應有避秦人

正德九年

六月

遊王官谷

二首

明朱寔昌

江西高安人監察御史

日面中條坐王官今始過洗杯臨碧澗尋洞捫青蘿五
老懷鄉勝東山憶妓歌天峰猶峻絕今古自峩峩
看遍春如畫登餘夜覺危休休存舊構了了卧殘碑傑
閣連雲迥飛泉瀑布垂歸來闐闐裏應念入山時

用壁間宋道長韻

前人

舉酒聽僧頌燃燈和壁題玉流東澗轉石磴暮雲齊五
老峰如見桃源路欲迷倦餘聊藉榻清夢遶雙溪
名山宗一柱借歇任吾真意適隨流水心閒共白雲亭
窺千石聳閣對萬松新可惜精修士翻爲失脚人

臨晉縣志

卷之八

五言律

十三

暮春遊王官谷次雙泉韻

前人

春晚入王官煙花野色寒小亭臨絕嶼碧玉帶斜湍翠
嶺峰如柱逶迤路若盤侑盃何所有豆笋正闌干
中途同命駕信宿爲探奇山後來流水庵前滙小池舉
盃春寂寂歸步馬遲遲憇息禪林晚相看更有誰

次劉少叅韻

前人

肩輿當掉舟春日逐塵遊鹽堰陂陂綠王官事事幽山
藏金佛寺峰隱玉皇樓野意從來愜何妨兩日畱
本是棲賢地而今作觀場野花明石砌山月度經房人

去名猶顯春溪草亦香塵襟聊自浣負手上斜廊

聚僊堂次宋御史韻

呂 柟

攜友登天柱河山分處眞手今摩白日足已躡青雲萬里風花細一川秋柿新王官谷口上莫易告他人

五言排律

五老峰

宋王禹偁

轟轟拂星榆崢嶸與衆殊精靈犇昂宿神異載河圖捧日光先及叅天禮不趨綠蘿供組綬清籟獻笙竽洩雨遙霑華帷嵐下照蒲僧窻分未足郡閣占應俱漠漠雲

臨晉縣志

卷之八

五言排律

十四

交袂霏霏雪映鬚巨靈羞未壯玉女願爲奴

玉女巖在

中條 磊

落工難畫參差德不孤兒孫溪石小几杖澗松枯洞鄙

三茅隱山嫌四皓逋分形皆自立倒影要誰扶將數慙

同漢臣名合贊虞嵩峰眞樹黨天柱大無徒安得隨人

意移將近帝都吾君處南面萬歲一齊呼

先公翰林尚書淳化中謫

官解梁作是詩後八十餘年汾出守蒲津刻石于王官谷元豐二年二月十一日曾孫尚書祠部郎中充集賢

校理權知河中軍府事汾謹記

中條山

前人

崛起巨河邊奔騰欲上天遠臨滄海盡高與太行連大

塊橫爲脊他山立似拳土膏經舜耒石險任秦鞭洞黑
狂吹雨峰青冷罩煙店荒檀道絕寺古栢梯懸 漏微
茫雪崑垂浙瀝泉迸根通砥柱斜徑入閑田北笑恒藏
寶西輕華聳蓮三門遙托迹五老迥差肩落實樵夫拾
靈苗本草傳柱空擎鴈塔影 蓋 船繪盡終無手封
崇必有年鹽池浮翠靄董澤媚漪漣陰壑乖龍蟄枯杉
凍虺穿圖經標數郡神異產群賢呼壽嵩何誑升中岱
豈專斯文如已矣此地可終焉暫看猶銷病頻登合得
仙許昌休自負吾什亦銘鐫

臨晉縣志

卷之八

五言排律

十五

咏臨晉

元郭嗣興

河中府尹

臨晉河東邑成周魏解梁綏化更他號桑泉復舊隍懸
州居舜坂併縣得虞鄉地理時沿革山川勢渺茫黃流
雄滾滾涑水遠湯湯峩阜踰聞喜中條接太行二嶷爭
崕嶺五姓注滄浪碧漢源頭活蒼崖瀑布涼靈峰齊偃
蹇天柱特昂藏形勝開千載輿圖壯一方城池殊屏蔽
廡宇式軒昂製錦掀高榭鳴琴敞後堂街衢紛並出廬
舍鬱相望官稅司交易兵巡職警防惠民恒啟局育士
總登庠養濟初分院存畱小置倉神祇嚴廟宇郵驛

康莊宮觀超雲閣浮圖屹寶坊名村多取姓列肆悉通
商戶數編年定田疇出賦常往來逢軌轍汎覽絕舟航
土燥惟憂旱人淳頗尚剛編氓專稼穡庶士薄文章習
藝非工巧趨農雜女郎用財元儉嗇酗酒輒豪強幼穉
婚先聘期頤壽且康使令稀婢僕歌舞盛優娼築室何
須柱爲門但穴墻編蘆施坐席壘炕作匡床鞋底還成
紙毛聯足裹糧冠巾且蒲笠貯物置荆筐雙衛勞耕耒
三犍慣服箱階除紛狗彘町疇踐牛羊播種宜麻麥蒔
秧乏稻梁販蔬盈市井劬藥入林榔棗棘叢籬畔樗槐

臨晉縣志

卷之八

五言排律

十六

蔭路傍邊山多植柿近郭罕栽桑苜蓿青供茹葡萄紫
壓漿鼠肥偏喜食魚美鮮求嘗羅鴈來秋渚呼鶴向曉
岡簷棲馴鶉鴿丸轉智蠅娘博物知生產觀風重品量
澆薄由積習衰盛繫興亡賜地功誇畢封君將數楊王
官餘迹在扁鵲古塋荒玄素崇資顯司空隱德昌石存
猶指柳碑樹慕追王張使科名著陳侯政譽揚申生能
盡孝麻氏尚流芳表闕旌崔婦名村憶霍光佛僧形已
化僊術道尤彰給飲池亭廢屯軍堡府張斜途轉漢代
故井識殷湯列冢皆英宦遺祠各禱禳記銘昭事實詩

律呈琳琅

遊王官谷就宿石泉洞 明丁守中

薄宦桑泉邑王官幾度遊
穿花斜逕入歸岫野雲浮
松上女蘿媚澗邊蘭草幽
仙昇古洞在鶴去舊巢畱
飛閣凌碧漢閑亭倚翠丘
雙人石對立五老峰爲儔
覽照豪吟發瑩心俗念休
流觴思往事採菊億前修
三詔人不起一鳴稿尚收
夕陽沒樹杪小月上山頭
竹影搖窻動泉聲拍枕流
鳴鴻驚夢醒身擬在瀛洲

望方山

明張佳胤 蒲州知州
兵部尚書

臨晉縣志

卷之八

五言排律

十七

選勝徵前牒方山蹟著奇
湖搖千壁動雲歛萬峯移
高嶺平如掌洪流注似卮
百梯誰獨往五老自相隨
倚杖天何近尋源路轉疑
孤懷勞極目爽氣目支頤
石鼓鳴溪洞鴛漿灌紫芝
郵驂行倦矣林鶴怨淒其
瑶草非難拾桃谿會有時
芙蓉秋露好合與地靈期

五老峰次宋王元之學士韻 王恭先

五老當中立群山俯散殊
道家矜福地河伯啟神圖
日落千巖避風迴萬壑趨
有時鳴竅穴眞似雜笙竽
隱士三尖芰 芰荷隱
者之服 仙人九節蒲 韓君丈人食
菖蒲不死 時隨今古異

名與地天俱藤蔓谷無口杖藜僧有鬚聳肩雙蠟屐休
膝一青奴玉柱臨空曖天門直上孤夕陽光後散秋雪
草先枯呼吸天通問英靈客謝逋奇峰眞玉女老樹卽
闔扶商隱終歸漢星飛不佐虞巨靈差可擬底柱尚非
徒冠冕中條頂屏藩帝子都當今若封禪也應效嵩呼
五言絕句

題司空圖壁

唐盧 攜 乾符中宰相

姓氏司空貴官班御史卑老夫如且在不用歎屯奇

休休亭

唐司空圖

臨晉縣志

卷之八

五言絕句

十八

且喜安能保那堪病更憂可憐藜杖者眞箇種瓜侯

遊王官谷

宋母 流 太常少鄉

不污唐家亂瀟然表聖居泉聲與山色相得共清虛

熙寧

戊申歲虞鄉縣令俞克書

謁表聖祠

金王肩元

居士乘鶴去人間幾百秋惟餘舊山色空碧照溪流

明昌

二年十月十四日范陽王肩元才卿自蒲坂過虞鄉與友人王質純叔麻邦憲吉甫邦寧平甫來謁表聖祠覽王官谷畱數字以序意

王官飛湍

金陳 賡

縣流落雲崑遙空掛飛練何時斲清冷一類黃塵面

七言古

耐辱居士歌

司空圖

咄諾休休休莫莫莫伎倆雖多性靈惡賴是長教閑處
著休休休莫莫一局棋一爐藥天意時情可料度白
日偏催快活人黃金難買堪騎鶴若曰爾何能荅云耐
辱莫

五老歌

明楊

博

吏兵二部
尚書

曉披五老峰上雲晚釣五姓湖中鯉忽逢漁父三五人

臨晉縣志

卷之八

七言古

十九

問是五姓誰家子自云無姓亦無名接輩相傳常釣此
月落天昏駕小舟從來未見風波起得魚心自安無魚
心亦喜公昔提兵在薊門單于繫頸呼韓死頗聞飛語
轉流傳彤弓幾付東流水東流水真可笑何如相將日
垂釣白雲冉冉生玄鶴雙雙叫極地與窮天居然不盡
其中妙

五老峰

王含光

猗氏人按
察使

虞鄉西南五老峰一峰一朵玉芙蓉層城亂插櫻桃樹
絕頂斜簷羅漢松中峰孤秀凌空起轟轟去天一握耳

四峰却立不敢前儼然商皓翊帝子羅列石筍似兒孫
或載雲旂騷駮駟我欲步虛叩僊寰絕巘蘿颺不可攀
但見流風吹素氣懸泉飛薄蔓珮環玉竇穹嵌鐘乳滴
香雨溟濛非人間西過林坳登欹石道人指點羅公迹
柯爛丹成去不廻至今樵者聞流奕月照前峰雲影飛
相傳半是蓬萊客一壺春酒謝山靈空翠撲人衣帶青
野鶴歸來憐華表仙翁何處化流星恍惚不知歸路在
谿煙花樹雨冥冥

登蛾眉原文昌殿和郭駿臣年丈作 王恭先

臨晉縣志

卷之八

七言古

二十

有道仙人汗漫遊太行西下指汾流雲山三晉縱心目
我僕從之我馬悠千里相思緣訪戴一朝乘輿爲依劉
冬深雪滿蛾眉嶺邀我登臨賦四愁拖沓蛾眉二百里
東通猗頓連聞喜蜿蜒曲折似游龍環抱桑泉與涑水
何代堪輿議築臺文星直射郭城裏上應奎壁下地絡
棹楔鱗次表宅里桑海谷陵幾變遷昆明劫火又飛煙
卽看蒼鼠穿廊瓦復見窟蛇繞塔顛天府文昌西蜀散
行宮蔓艸朔風牽傷心遊子登樓興日暮含情託杜鵑
廟旁轆轤千尺井單極斷幹垂修綆道人搢搢汲寒漿

土竈荒煙燒苦茗風急天高酒力微奚囊驢背詩思騁
君吟寶劍號龍泉我賦洞簫如鼃黽予和汝歌興未闌
相逢得意便相歡無魚且買今朝醉有缺直須再日彈
酌君酒君自寬十年淬就劍鋌寒卽今洛下憐才子不
久王陽起貢冠

七言律

五峯隱者

唐薛

逢

河東人

煙霞壁立水溶溶路轉崕回旦暮中
鸚鵡畏人沈澗月
山羊投石掛巖松高齋旣許陪雲宿
晚稻何妨爲客春

臨晉縣志

卷之八

七言律

二十一

今日見君嘉遯處悔將名利役疎慵

丁未歲歸王官谷

司空圖

家山牢落戰塵西疋馬偷歸路已迷
冢上卷旗人簇立
花邊移寨鳥驚啼本來薄俗輕文字
却致中原動鼓鼙
將取一壺閑日月長歌深入武陵溪

光啟四年春戊申

亂後燒殘數架書峰前猶自戀吾廬
忘機漸喜逢人少
覽鏡空憐待鶴疎孤嶼池痕春漲滿
小欄花韻午晴初
酣歌自適逃名久不必門多長者車

退樓

前人

宦遊蕭索爲無能移住中條最上層得劔乍如添健僕
亡書久似失良朋燕昭不是空憐馬支遁何妨亦愛鷹
自致此身繩檢外肯教世路日兢兢

重陽山居

前人

詩人自古恨難窮暮節登臨且喜同四望交親兵亂後
一川風物笛聲中菊殘溪處迴幽蝶陂動晴光下早鴻
明日更期來此醉不堪寂寞對衰翁

休休亭

宋樂 沆

臨晉縣志

卷之八

七言律

一二十二

貽溪澄澈玉峰寒居士當年此考槃訪得遺基青華下
構成危棟白雲端人間日月雙輪轉世外襟懷九鼎安
醉魄吟魂如未泯也應謝我數盤桓

懸泉

金袁從乂

藏雲庵主

翠巖高列勢摩天巖上轟雷瀉玉泉絕壁飛來渾是雨
長風捲去忽成煙圍茅小隱初經眼跨鶴先儒已著鞭

玉峯老人
已有詩詠

吟罷徜徉眠月窟夢回猶聽鼓齏齏

寒食祀墳迴登臨晉西原廢寺 金陳 賡

前朝廢寺枕山阿尚有摩雲翠堵波故國已非唐日月

老僧猶指晉山河年來筋力登臨倦亂後心情感慨多
石蘚荒碑碎文字他年更得幾摩挲
當年雲構倚天開一夕煙塵化劫灰佛閣丹青餘瓦礫
禪房花木亦蒿萊春風萬里騷人怨落日千秋杜宇哀
斷礎荒煙無限意一章詩律爲誰裁

虞鄉道中

元王

惲

平陽路總管府判官

中條如畫色蒼蒼雨過晴嵐帶夕光望入王官饒水竹
路經虞坂足耕桑未容巖桂相招隱自笑微官有底忙
多謝曉風驅暑退笠簷吹作馬頭涼

臨晉縣志

卷之八

七言律

一二十三

書臨晉廳壁

元王思誠

條山河水壯封疆城外睂原百里長蒲坂東來通猗頓
桑泉南下接虞鄉唐家舊德推裴寂漢世元勳憶霍光
故國松楸今尚在穹碑高塚映殘陽
朝列大夫僉河東山西道肅政廉訪
司事魯郡王思誠致道題時至正元年冬十一月廿五日巡歷至此從行書吏路諒簡臣完者不花味道也
司空侍郎故居
明王翰
夏縣人平陸訓導
西風策馬問王官松徑縈紆上百盤泉響夜潭穿石竇
峰高天柱矗雲端一鳴共許才華舊三詔方知節操寒
花落鳥啼人不見休休亭上倚闌干

王官谷樂隱

許莊

杖藜徐步看青山笑向東風解醉顏幽徑有花春正好
柴門無客晝常關辟開荒地二三畝結上茅廬一兩間
睡到日高猶未起卧聽流水任潺湲

王官谷漫成

宋廷佐

乾坤今古一虛舟是處青山便可留海上漫勞占紫氣
人間何事覓丹丘中條雨霽青如畫天柱峰高凜似秋
夜向休休亭下望一川明月照寒流

正德九年六月

用壁間宋道長韻

朱寔昌

臨晉縣志

卷之八

七言律

一二十四

莫恠司空了了休帝師先已在封畱王官瀑水空餘谷
天柱高峰尚有丘明月笙歌緱氏夜清風鶴舉碧天秋
何當獨立芙蓉上看盡黃河今古流

聚仙堂次宋御史韻

呂柟

硝池晚過愛漁舟何似濯纓亭上畱夢裏遊春懷老杜
雲邊携友得新丘孤燈天柱峰前洒落葉王官谷口秋
此意相將更不盡黃河南望日東流

戊寅中秋同諸友泛五姓湖夜宿延祚寺

王崇古

蒲州人襄毅公

芳湖尚憶昔年遊水色山光接素秋歸去幸逢金石友
重來同泛木蘭舟白蓮一望能超悟綠酒頻斟頓解憂
禪榻高懸消永夜清風明月共悠悠

郊外草堂

荆養喬

一辭榮祿伴鴻冥卜築新成處士亭芳草細連三徑碧
條山遙拱數峰青時將幽興寄魚鳥忍向塵寰問醉醒
獨坐竹林吟眺久不知明月滿中庭

瀑布

王含光

長看溪水遶門流尋到王官谷盡頭浮素劃開壁翠

臨晉縣志

卷之八

七言律

一二十五

飛纖散作半空秋當晴雨氣搖丹壑入夜寒聲到石樓
應有桃花漂渡口躊躇只少一漁舟

登王官谷秋望

介孝璫

解州人兵部主事

祠外高樓日影斜秋鴻飛盡見天涯王官亦是論兵地
父老誰傳賣酒家萬嶂煙霜全晉樹千年風雨晚唐花
黃河只在諸峯下烽火難尋海上槎

八景

蛾眉春雨

層原百里亘連阡層級分明籠翠煙最是東風敷帝澤

早看新綠鬱原田雲粧靄羃春山遠林影青拖斜月偏
瘠土於今風日好歛豳擊鼓慶堯年 石 博

遠山橫出抱平田一草青青萬樹煙已卜土香宜歲事
應知花好見芳年孤村流水寒鴉下冷陌淒風小犢眠
惟幸太平民不擾耕人隴上競先鞭 李世惠

坡陀長坂帶橫阡雨氣春來破曉煙幻出雙蛾遠山影
眞成百頃滿篝田露深桑柘千邨暗風過牛羊一笛偏
用意天公誰領會杏花榆莢又當年 春有杏花
雨榆莢雨

王恭先

臨晉縣志

卷之八

七言律

二十六

五姓漁舟

直是真能耐碧波來如輕燕去如梭夢中子夜吳儂遠
煙外前溪越女多泛宅浮家侵荻蓼斜風細雨老綸蓑
爭須膾具臨淵日誰向中流認志和 李世惠

湖光瀲灩古城西名號張揚舊有題滄海桑田幾清淺
綠蒲紅蓼自高低急橈舴艋常飛雨帶藻苓簪不着泥
欸乃一聲人不見夕陽澤畔草萋萋 王恭先

方山積雪

石屏高並斗山看一握違天夏亦寒沆瀣西來蓮井凝

窮陰北指玉華刊香爐雲映七千仞巫峽鶴眠十二巒
總是南山佳氣色幽涼勿作等閑觀

李世惠

方山陰嶺絕雲端朔雪常留太古寒禾黍有春吹竹管

佩環無計刻琅玕

玉滿天山難刻
佩環詠雪戲語

光疑不夜城中見人

在崑丘頂上看最苦詩人才思少終南佳景意先闌

王恭先

柏梯紅葉

江南十月見花新北土雪霜草木噴歲晏蕭條能照野
秋來濃郁亦撩人虞君城外彌天樹鄒子律中遍谷春

臨晉縣志

卷之八

七言律

二十七

不信登高開醉眼赤城北望正堪倫

李世惠

烏裨霜後老秋容古寺柏梯望去濃天外赤城霞影亂
帝鄉雲樹錦衣重幽人坐愛千觴酒老子登臨三尺筇
滿眼繁華看未了上方早報一聲鐘

王恭先

古城落鴈

寂寞當年帝子鄉
彌漫煙草見牛羊
祇因地僻棲羈羽
不是年豐溢稻梁
勁翮驅寒辭朔塞
長群違暑渡江湘
可憐蝸鷺謀身隘
辛苦一生榆與枋

石博

居然群動辨清秋
共將高天賦遠遊
撼撼眞同寒葉散

遲遲故爲夕春畱
啣蘆叫夜防身早
繫帛迎陽引類稠
斷續川原尋陣迹
瀟湘墨妙逼荒丘

李世憲

自是蒼茫雲水鄉
呼朋引侶且相羊
不因愛力輸蘆葦
祇爲謀生惜稻梁
沙岸數行雜鷗鷺
煙波十里卽瀟湘
年來自笑摧頹甚
南北追隨有底忙

王恭先

涑水橫橋

涑水西流入大河
輕津路逕瑕城過
宣防無事煩薪竹
來往惟須便負軟
柳浪垂虹窺鳥立
村煙隔岸飯牛歌
山川淳朴桑麻野
題柱其誰賦轆軻

李世憲

臨晉縣志

卷之八

七言律

二十八

三月桃花涑水平
綠楊堤外一橋橫
玉欄晝鎖鼉鼉睡
金鏡夜開蟾兔明
不見車書通萬里

萬里橋名

也看來徃老

浮生如今莫問題
詩手石柱年來半已傾

王恭先

靈峯皓月

挿漢千尋絕所攀
薜蘿影動鵲飛還
一天爽氣金波迥
萬里浮雲玉界閒
定有鹿裘封雪鼎
知無山鬼見煙鬢
何當梯箸緣高盡
挹取空明叫帝關

李世憲

倚天玉柱冠中條
取月梯雲路不遙
况值銀河清且淺

更逢碧海滿隨潮經過窈窕山皆漏放盡空明天欲朝
是處秋來清景好輸他福地一瓊簫 王恭先

溶溶月色上寒松寂寂溪山掛鏡容玉宇塵空清夜冷
水輪碾破碧雲封賦中赤壁高還小畫裏藍田淡又濃
恍有飛仙乘白鶴風飄孤影度天峰 高 引 蒲州文學

王官瀑布

王官峯頂水潺潺直下奔流杳靄間千尺恍疑飛白練
一條真是界青山溜穿潭底蛟龍舞波漾磯頭鷗鷺閑
不用臨流解纓弁早將明鏡悔塵顏 王恭先

臨晉縣志

卷之八

七言律

二十九

中條佳氣鬱王官萬壑驚流雲外看日照虹霓穿窈窕
天清風雨落巒岼瑩心草沒亭堦古白石巖扃鶴夢寒
十載塵緣濯未得躊躇只爲一儒冠 石 博

自虞鄉行至東亭谷

陳奕禧

攝令安邑丞

微霜已散日初圓林外清流涉澗泉白郭炊烟寒幕地
紅山柿葉遠燒天村中索醉傾椰椀馬上哦詩敲竹鞭
潦倒閑情儘如許未妨行色抵高眠

贈金牛寺張丈

前人

閱世滄桑九十翁飄騷雪鬢却如蓬長依佛日孤村老

追數生年萬曆中
咲喚兒孫陪坐客
忪排鷄黍叙家風
謀身薄有田園在
百畝秋成指舍東

金牛邨外

前人

倦眼開跌坐
勞筋息軟莎
雪峰摩詰秀
村樹郭熙多
春色憐吟興
裝囊負薜蘿
相招得劉墮
旅語一消磨

虞鄉

前人

舊郭虞鄉縣
青山五老峰
澆泉春壤沃
入市翠烟重
農事村間社
清聲林外鐘
幽蘭空谷好
惆悵隔芳蹤

王官谷

前人

臨晉縣志

卷之八

五言

又二十九

衆泉南畔路
空谷望王官
表聖孤居得
鸞臺共隱難
草堂春寂歷
飛瀑日幽寒
我欲縫緇服
騰峯息羽翰

方山

前人

方嶺磻谿隱
者居援蘿尋
葛興何如鳶
漿頂上無人跡
誰識銅芸與
女疎

晉興澤

前人

鹽道峰巒望
絕竒涑川長
泛晉興陂張
陽猶指東張在
事業韓曹久
不知

翠屏俯接水
雲鄉晶滌清
廿里長却恠
漁人閑不得

黃蘆深處曉鳴榔

東亭谷

解辟三尸謝世煩
峨眉西崦渺何存
行人却指仙翁宅
烟雨東亭谷口村

出虞鄉南郭晚望湧成五絕

前人

五老高峰俯郭臨
鳴泉流出碧谿深
力耕誰笑村農拙
驅犢扶犁趁柿陰
倦來足跡與頭科
散步城闌卧綠莎
一道夕陽歸路遠
衆陰惟聽亂蟬多

臨晉縣志

卷之八

七言

前二十

野老恬熨共陌阡
家家流水到門前
納涼閑話無餘事
乾鵲歸巢噪樹顛

耕餘野犢放山隈
牧笛無心一曲催
青草滿原眠不足
沿村日晚自歸來

虞州不計十年遲
托迹欣逢堯舜時
漸覺蚩蚩相識少
却尋農父與談詩

孫常延祚寺

前人

古寺洒爍襟娑羅
一院陰亂蟬鳴碧
葉新月上遙林不
習祇園靜寧知禪
悅深何妨通此意
聊用寄浮沉

七言絕句

憶中條

司空圖

燕辭旅舍人空在
螢出疏籬菊正芳
堪恨昔年聯句地
念經僧埽過重陽

虞鄉北原

前人

澤北村貧煙火瘿
稚田冬旱倩牛耕
老人惆悵逢人訴
開盡黃花麥未金

王官二首

前人

風荷似醉和花舞
沙鳥無情伴客閒
總是此中皆有恨

臨晉縣志

卷之八

七言絕句

三十

更堪微雨半遮山

荷塘煙罩小齋虛
景物皆宜入畫圖
盡日無人只高卧

一雙白鳥隔紗幬

證因亭

前人

峰北幽亭願證因
他生此地却容身
上方僧在時應到
笑認前銜記寫真

修史亭五首

前人

山前鄰叟去紛紛
獨強衰羸愛杜門
漸覺一家看冷落
地爐生火自温存

奉委查姚暹渠南隄并勘五姓湖水勢湧詠

姚渠二百里餘長嚙破驚濤變水鄉鹽筴國租均所重
惟爲請命祝穹蒼

中條六月不波臣羽檄飛馳築口新畚鍤不辭揮汗力
衛池應念兩州民

晉興舊澤近稱湖洩涑姚渠兩所趣就下古來爲利本
神功䟽瀹試看無

五姓湖波百頃寬孟明橋下瀉微湍源多要識流應大
同赴朝宗勢尚難

臨晉縣志

卷之八

七言

後三十

甘心七十且酣歌自筭平生幸已多不似香山白居易
晚將心地着禪魔

烏紗巾上是青天檢束酬知四十年誰料平生臂鷹手
挑燈自送佛前錢

少年已慣擲年光時節催驅獨不忙今日無疑亦無病
前程無事擾醫王

籬落輕寒整頓新雪晴步履會諸鄰自從南至歌風頂
始見人煙外有人

遊休休亭

宋鄭集學士

臨晉縣志

卷之八

七言絕句

三十一

世事心知不可爲拂衣歸此養天機先生獨善端無意
肯續春秋辨是非

前題

宋蔣之奇

宜興人河北陝西副使

勢利煎人漫白頭休休去是良謀應須買取堪騎鶴
跨入芝田閬苑遊

元豐庚申端午日
縣令劉霆勒石

訪王官谷休休亭

宋仇伯玉

戶部侍郎

飄香山徑踏殘花來訪仙鄉隱處家當日廟堂延至計
未應懷璧老煙霞

山鷓營巢欲哺兒晴杏坼早先離披盤回一徑穿碧

谷口數家耕水澗

遊王官谷

宋王干 祁縣人

耐辱幽人不願名一丘一壑遂高情門前流水無冬夏
想見先生到骨清

前題

宋王欽臣 宋城人陝西
轉運副使

表聖於文尚未高善將名利比秋毫王官谷裏當安卧
天子呼來亦遯逃

鍾鼎山林出處明中間不合枉高情有錢須買王官谷
流水聲中過一生

臨晉縣志

卷之八

七言絕句

三十二

題天柱峯

金雷思 渾源人同知
北京轉運使

一峰凝碧倚晴空一水縈紆一徑通中有幽人猶說古
誰知高興與今同 舊志誤載周昂今
依中州集校正

藏雲洞

前人

仙人愛茹紫芝香占得中條最上方何事紅塵飛不到

幽居常被白雲藏

大金歲次癸丑
六月望日立石

憇三詔亭

金王伯迪

李從簡以書寄我約與順之會于王官谷是日從簡
失約順之病酒不來其興味可知矣乃與姚彥温邊智
夫窮勝蹟滌暑干休休亭復憇于三詔堂時貞元乙亥
三月廿九日也

水竹肅森一徑開濯纓亭下洗塵埃情知相約皆無實
不礙偷閑乘興來

望天柱峰

金李楫

前日遊王官暮春不盡其興今日馬上望天柱峰想表
聖之高風口占三絕書呈一笑

買得王官作主人青山伴侶碧溪隣千縑盡散傍人手
想見清無一點塵

先生節義全終始名與青山萬古高遺像僅存人已遠
滿崑修竹冷蕭騷

仕路奔馳兩鬢華誰能來此老煙霞而今三詔亭前水

臨晉縣志

卷之八

七言絕句

三十三

都屬尋常射利家

遊王官谷

金王隆吉

戶部主事

不見高人耐辱公倚天山色自清雄憑君莫促東州駕

且看蒼崖瀉玉虹

僕奉命公幹河東道經故里因公暇
遊王官同來者藏雲庵主表用之歸

來堂老人麻平甫
壬申中秋日書

題王官表聖祠

金姚

仿

同知汾州
節度使

表聖當年曾退棲林泉良是昔人非可怜天柱千尋立
竟日無人空翠微

遊王官谷謁司空表聖祠

金蔡

珪

真定人河東
路轉運副使

簿書期會敢遷延
暫爾城樓借榻眠
咫尺王官未能去
俗緣妨我愛山緣

黃塵烏帽走西州
溽暑秋霖兩滯留
居士有靈應見笑
微官何事不休休

雲表高欄面面風
欄邊列樹障秋空
憑君爲我開穠綠
盡放南山入眼中

立秋後六日全景房使者乘驛過虞鄉憩休休亭以雨不果留宿縣樓戲

成三絕句奉呈希察令尹

遊王官谷

金劉

昂

興州人平涼路轉運副使

潛溪時照塵埃客
微雨不遮天柱峰
斜日落花人去盡

臨晉縣志

卷之八

七言絕句

三十四

淡煙樓閣數聲鐘

舊志誤載周昂今依中州集校正

醉經齋爲虞鄉麻長官賦

金周

昂

真定人同知沁南軍節使

詩書讀破自融神
不羨雲安麴米春
黃卷至今眞味在
莫將糟粕待前人

王官飛湍

金陳

庾

表聖當年愛此山
倚樓終日看飛湍
浚人空飲貽溪水
不學先生便挂冠

前題

元王

惲

石竇懸流雪練飛
夜深和月映松扉
恨我不遇貽溪老

一笑山間說化機

臨晉道中

前人

野雪晴消滿道泥
茫茫銀海際煙霏
日斜信馬中條比
愛煞山光照客衣

登臨晉製錦樓

王思誠

製錦樓高倚縣衙
神宮佛殿帶人家
晚來縱目憑軒望
日落嶠原散彩霞

臨晉道中

前人

嶠原回首望汾陰
寶鼎精銷瑞氣沉
千古帝王行幸地

臨晉縣志

卷之八

七言絕句

三十五

草荒輦路暮雲深

至正元年十二月
縣尹吳天麟立石

五老峰訪張赤脚

明胡

澹

武進人兵
科給事中

萬木蕭蕭興未窮
河東山比水雲濃
分明記得經由處
只在中條第一峰

王官谷望鶴窩

朱寔昌

野鳧江鷺尚知幾
况是仙禽性自殊
歲歲引雛天上去
託身寧為稻梁迂